

ԱՍՏԾՈ ՏՈՒՆԸ ԵՎ ԿԵՆԱՑ ԶՐԻ ԳԵՏԸ

ԲԱՆԱԼԻ ՀԱՄԱՐ. ԾՆՆԴ. 2.8-10

8 Եվ Տեր Աստված մի պարտեզ տնկեց Եդեմում՝ արևելյան կողմ, և իր արարած մարդուն դրեց այնտեղ: 9 Եվ Տեր Աստված հողից բուսցրեց տեսքով հաճելի և քաղցրահամ պտուղներով բոլոր ծառերը և պարտեզի մեջտեղում՝ կենաց ծառը և բարին ու չարը գիտենալու ծառը:

10 Եւ մի գետ էր դուրս գալիս Եդէմից պարտէզը ջրելու համար, եւ այնտեղից բաժանվում ու չորս գլուխ էր դառնում:

Սաղմոս 46.4 – Բայց գետն իր առուններով կուրախացնի Աստծու քաղաքը, Բարձրյալի սուրբ բնակարանները:

Եսայի 33.21 – Այնտեղ Տերը իր մեծափառության մեջ մեզ համար կլինի լայնատարած գետերի, վտակների վայր:

- Նկատեցիք՞ – ոչ թե պարզապես Սիոնում գետեր կան, այլ հենց **Նա** Ինքն է գետերի տեղը:

Եւ մի գետ էր դուրս գալիս Եդէմից (տանից)

ՏԱՃԱՐԻՑ ՀՈՍՈՂ ԳԵՏԸ – ԿՅԱՆՔԸ ՆԵՐՍԻՑ ԴԵՊԻ ԴՈՒՐՍ (ԵԶԵԿԻԵԼ 47.1-12)

Եզեկիելը տեսավ տեսիլք՝ ջուր հոսում էր տաճարի շենքից: Սկզբում՝ մի փոքր հոսք էր, հետո հասնում էր ծնկներին, գոտկատեղին, մինչև որ դարձավ գետ, որը ոչ ոք չէր կարող անցնել:

Եվ ամեն կենդանի շունչ, որ շարժվում է նրանում այն բոլոր տեղերում, ուր գնում է գետը, պիտի ապրի, և ծուկը խիստ շատ պիտի լինի, որովհետև այս **ջրերն այնտեղ են հասնում**, ուր նրանք պիտի թարմանան, և ամենքը պիտի **կենդանանան**, ուր էլ որ գնա գետը (Եզեկիել 47.9):

1. Այն սկսվում էր զոհասեղանից՝ որտեղ կատարվում էր զոհաբերությունը: Սա Քրիստոսի Խաչն է: Խաչից հոսեց արյուն և ջուր՝ մաքրություն և կյանք:
2. Գետը հոսեց դեպի արևելք՝ դեպի անապատը, և հասավ մինչև Մեռյալ ծովը: Եվ Տերը ասաց՝ **«Ջրերը կբժշկվեն»**:
3. Թող այդ գետը հոսի քո կյանքի մեջ, և քո դառնությունը դառնա քաղցրություն, քո մահացած վայրերը՝ կյանքի աղբյուր:

ԿԵՆԴԱՆԻ ԶՈՒՐԸ – ՔՐԻՍՏՈՍ ԿՅԱՆՔԸ (ՅՈՎՅԱՆՆԵՍ 4.10–14)

Չակորբի ջրհորի մոտ Չիսուս ասաց սամարացի կնոջը.

«Եթե իմանայիր Աստծու պարզւը, և թե ո՛վ է նա, որ քեզ ասում է՝ "Ինձ խմելու ջուր տուր", ապա դո՛ւ նրանից կխնդրեիր, նա էլ քեզ կենդանի ջուր կտար»:
Յովհաննես 4.10

11 Կինը զարմացավ. «Տէ՛ր, դու նույնիսկ դույլ չունես»:
Իսկ ջրհորը խորն է. արդ կենդանի ջուրը որտեղի՞ց ունես:

13 Բայց Չիսուս պատասխանեց նրան ու ասաց. «Ով այդ ջրից խմի, կրկին կծարավի, 14 բայց ով խմի այն ջրից, որ ես եմ տալու նրան, նա հավիտյան չպիտի ծարավի:

- Եվ ահա տաճարի վարագույրը վերից վար երկու մասի պատռվեց. երկիրը ցնցվեց, ժայռերը ձեղքվեցին, **Նրա կողքից իսկույն արյուն ու ջուր դուրս ելավ** և գետը սկսեց հոսել: Այդ ջուրը դեռ հոսում է այսօր:

ԿԵՆԴԱՆԻ ԳԵՏԵՐ – ՀԱՎԱՏԱՑՅԱԼԻ ԿՅԱՆՔԸ (ՀՈՎՀԱՆՆԵՍ 7.37–39)

37 Եվ տոնի վերջին մեծ օրը Հիսուսը կանգնած էր և **աղաղակում էր՝** ասելով. Եթե մեկը ծարավ է, թող ինձ մոտ գա ու խմի: 38 Ինչպես Գիրքն է ասում. "Ով ինձ հավատում է, նրա ներսից կենդանի ջրերի գետեր պիտի բխեն:

Հովհաննեսը բացատրում է. 39 Նա այս ասաց՝ նկատի ունենալով Սուրբ Հոգուն, որն ընդունելու էին նրան հավատացողները, որովհետև Սուրբ Հոգին դեռևս չուներին, քանի որ Հիսուսը դեռ փառավորված չէր:

- Սիրելիներ, գետը միայն ձեզ համար չէ – այն պետք է հոսի ձեզնից դեպի դուրս: Աստված չի ուզում, որ մենք լինենք լճեր. Նա ուզում է, որ լինենք հոսող գետեր:

Թող Սուրբ Հոգին հոսի ձեր միջով.

Քո սրտից՝ դեպի ընտանիք,

Քո աղոթքից՝ դեպի ծառայություն,

Քո եկեղեցուց՝ դեպի աշխարհ,

Քո կյանքից՝ դեպի կորածները:

Որտեղ գետը հոսում է՝ այնտեղ կյանք կա:

ԿԵՆԱՑ ՋՐԻ ԳԵՏԸ – ՀԱՎԻՏԵՆԱԿԱՆ ԿՅԱՆՔԸ (ՀԱՅՏՆՈՒԹՅՈՒՆ 22.1-2)

*1 Հրեշտակն ինձ ցույց տվեց **կենաց ջրի գետը**՝ փայլուն, ինչպես բյուրեղը, որ բխում էր Աստծու ու Գառան գահից:*

*2 Եվ նրա հրապարակի մեջտեղում՝ գետի այս ու այն կողմերում, **կենաց ծառն էր**, որ տասներկու պտուղ էր տալիս. ամեն ամիս իր պտուղն էր տալիս, իսկ ծառի տերևները ազգերին բժշկելու համար էին:*

1. Գետը սկսվեց Եդեմում և ավարտվում է Գահի առաջ՝ փառքի քաղաքում:

2. Գետը հոսում է հենց Աստծո աթոռից՝ այն նույն գետը, որ սկսվեց որպես փոքրիկ հոսք Եզեկիելի տեսիլքում:

3. Գետը շրջապատում է կենաց ծառը, որի տերևները ազգերին բժշկելու համար են:

Այլևս չորություն չկա – այլ միայն հավիտենական կյանք:

Այսօր նույն հրավերն է հնչում.

Հոգին ու հարսն ասում են. Արի՛: Լսողը ևս ասում է. Արի՛: Թող գա, ով ծարավ է, և ով կամենում է, թող ձրի վերցնի կենաց ջուրը (Հայտնություն 22.17)

- Աստված դեր փնտրում է տուն՝ մի ժողովուրդ, որի միջով Նա կարող է հոսել: Մի՛ փակիր գետը վախով, մեղքով կամ հպարտությամբ: Թող Սուրբ Հոգին հոսի:

Որտեղ գետը հոսում է՝ այնտեղ կա կյանք,

որտեղ գետը հոսում է՝ այնտեղ կա բժշկություն,

որտեղ գետը հոսում է՝ այնտեղ կա փրկություն:

Թող եկեղեցին այսօր հռչակի.

«Մենք ենք Աստծո Տունը, և մեր միջից հոսում է կենդանի ջրի գետը»:

ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՐ ԱՅՍ ՊԱՏԳԱՄԻ ՄԻՋՈՑՈՎ